



AMPLISS. SENATV  
 TVI ANTVERPIENSI  
 IVDOCVS RAVESTEYN

*Tiletanus, S. P. D.*



VM DVDVM IN EC-  
 clesiam Antuerpien-  
 sem irrepfissent Mini-  
 stri quidam, qui se di-  
 cunt Iesu Christi Mi-

nistros, sed non sunt, (sunt autem vti  
 palam profitentur, Augustanę & non  
 Catholicę doctrinę Ministri) & con-  
 fessionem quandam ædidissent do-  
 ctrinę quam adferebant, conscripsi &  
 ædidi succinctam peruersę doctrinę  
 confutationem : qua lectoribus in-  
 firmis potissimum & ineruditis, per-  
 spicuis, firmis & solidis testimoniis  
 ac rationibus demonstraui, confes-

A ij sionem

## EPISTOLA

sionem eorum & doctrinam, neque cum doctrina Spiritus sancti in Scripturis sanctis patefacta & tradita, neque cum Patrum sanctorum testimoniis & scriptis consentire, sed palam cum illis pugnare.

Quid autem DEVS, tum apud Antuerpienses, tum apud alios, ad quos peruersa illa confessio disseminata erat, per nostræ scriptionis laborem efficere dignatus sit, publicæ voces palam testantur: quæ affirmant infirmos plurimos confirmatos: titubantes ac vacillantes non paucos, constabitos: Plerosque verò, qui in errorem seducti erant, ab errore reuocatos. Eum populi Christiani fructum cum princeps tenebrarum, & inimicus humanæ salutis ægerrimè ferat, suis artibus opprimere eum, & extinguere conatur. Quare suscitauit veritatis aduersarium quendam Matth. Flaccum Illyricum, organon  
viru-

virulentum , & in maledicendi ac  
mentiendi artificio probè exercita-  
tum : qui mendacijs, cauillationibus  
& flagitiosis calumnijs nostram con-  
futationem obscurare , redarguere,  
conuellere , aut saltem arroderere co-  
naretur .

Scribit me diligenter quidem , &  
aliquando non sine specie & colore  
veritatis contra Confessionem scri-  
psisse, sed fraudulenter. Malis artibus,  
artificiosis sophismatibus, & flagitio-  
sis calumnijs in eludendis veritatis te-  
stimonijs me vsum esse , ac pessima  
fide testimonia vel ex Scriptura, vel ex  
Patribus deprompsisse.

Ab his teterrimis vitijs immunem  
prorsus esse & semper fuisse animum  
meum , & solius veritatis studiosum,  
conscijs est qui corda & renes scruta-  
tur Deus: cui vni meum animum,  
meumque studium approbari, mihi  
abunde satis est. Verum vt flagitiosa

## EPISTOLA

hominis mendacia & calumnias cognoscat & perspiciat Lector, & ut nostræ confutationi sua constet fides, in hac scriptione & defensione nostræ confutationis detegam & palam faciam eius potius malas artes, quibus in eludendis veritatis firmissimis & certissimis testimoniis, & obscuranda veritatis luce in sua defensione usus est: efficiamque, Deo adiuuante, ut perspicue intelligat & cernat pius Lector, nihil illum solide opposuisse nostræ confutationi: sed eam, contra sceleratas eius deprauationes & impias corruptelas integram, infractam, immotam ac firmam consistere, atque adeo eam apud recte solideque iudicantes magis confirmasse quam refutasse.

De qua tota re Lector postea ex nostra defensione iudicare poterit, si modo utramque sententiam sedulo examinet & perspiciat.

Quo-

Quoniam verò vobis, amplissimi Senatores, pestilentis illius Confessionis, in vestrum celeberrimum emporium, per publicam temporum perturbationem inuectæ, Catholicam confutationem dedicaui: quam & vestris amplissimis Dominationibus gratam fuisse, & vestris imprimis ciuibus salutarem, plurimorum virorum catholicorum testimoniis didici: æquissimum visum est, vt Apologiam quoque ac defensionem confutationis Catholicæ, quam Ecclesiæ Christi coniuratus hostis, M. Flaccus Illyricus, inanibus cauillationibus, & sædissimis mendaciis, imposturis ac fraudibus labefactare & conuellere conatus est, v. Amplifs. D. offerrem: vt sicut vestris auspiciis confutatio catholica, ita nunc confutationis defensio, populo vestro commendatior reddatur.

Et sane Catholici magistratus munus est, non solum Catholicorum scripta

studioſè & religioſè tueri , verum e-  
 tiam (quod olim *Constantinus* ille  
 magnus, *Martianus*, *Theodoſius*, *Iu-*  
*ſtinianus*, atque alii plerique *Catho-*  
*lici Imperatores* & *Principes* ante an-  
 nos mille ducentos ſtudioſè fecerunt)  
 providere vt pernicioſiſſima illa con-  
 feſſio, ſimul cum æquè pernicioſa de-  
 feſſione *Illyrici* prorfus aboleatur &  
 extingatur : Aut ſi propter quo-  
 rundam improbam curioſitatem id  
 obtineri non poſſit, ſeuera & publi-  
 ca prohibitione , omnibus *Ditionis*  
*veſtræ* ſubditis interdicator: Atq; con-  
 tra ſalutaris & religioſæ prohibitionis  
 contemptores , iuſtæ animaduerſio-  
 nis exemplum edatur. Grauiſſima ſane,  
 & ſempiterna memoria digna eſt  
 Sententia illa *Leonis* illius ſanctiſſimi  
 & eruditiſſimi *Pontificis* (quam cre-  
 brò ad *Auguſtos* & *Catholicos Prin-*  
*cipes* ſcripſiſſe legitur) quæ & magi-  
 ſtratibus *Catholicis* commendatiſſi-  
 ma

*Leonis*  
*primi ſen-*  
*tentia ad*  
*Auguſtos*  
*Impera-*  
*tores.*

ma esse debet: Res publicas aliter tutas esse non posse, nisi quæ ad diuinam confessionem, fidem & doctrinam Catholicam pertinent, politica quoque ac secularis potestas, sollicitè tueatur atque defendat: Et Regni *Epist. 26*  
ac rerum publicarum statui ac viribus profuturum, quidquid studii ac præsidii erga religionem fuerit religiose impensum. Sin verò Dei religio negligatur & dissipetur, è contrariò *Epist. 31.*  
Dei grauem indignationem prouocandam. Hoc itaque ornatissimæ & amplissimæ vestræ Dominationes persuasissimum habere debent: Qualem statum studueritis habere religionis, talem & Reipub. vestræ celeberrimæ vos habituros. Quapropter summo studio & vigilantia pestilentes libri, & contra veram religionem blasphemi, imprimis quidem propter diuinam religionem interdicens ac proscribendi sunt: sed

EPIST. DEDICATORIA.

non ob eam solam, verum etiam  
quia gloriæ, dignitati, commodis,  
ac tranquillitati publicæ grauiter offi-  
ciunt. Christus amplissimam &  
celeberrimam rempublicam  
conseruet incolumem  
ac prouehat.  
Valete.

Amplifs. VV. DD.

Deditissimus

Iudocus Rauesteyn Tiletanus.

